



Jørgen Rosbach
Inatsisartunut ilaasortaq

**Peqqinnissaqarfimmi sulisut akissarsiaat pillugit
isumaqatiginninniarnernut tunngatillugu § 37 naapertorlugu apeqqummut
nr. 135_2025-imut akissut.**

Manna § 37 naapertorlugu apeqqutigineqartunut akissutit nassiunneqarput.

Pisortat akissarsiat pillugit isumaginninniarnissaanut tamakkiisumik
piginnaatitsissutit isumaqatiginninniarnissaq sioqqullugu kommuninit
Naalakkersuisunillu akuerineqaqqaartarput. Akissarsiat pillugit
isumaqatiginninniarnit Namminersorlutik Oqartussat kommunillu sinnerlugit
Aningaasaqarnermut Sulisoqarnermullu Aqutsisoqarfimmit (ASA) politikkikkut
toqqaanartumik akuleruffigineqaratik ingerlanneqartarput.

Apeqqutit tullinnguuttuni issuarneqarput ataasiakkaarlugillu akineqarlutik.

**1. Peqqinnissaqarfimmi sulisunut isumaqatigiissutinut
isumaqatiginninniarnit sumut killippat?**

**a. Isumaqatigiissutinut isumaqatiginninniarnit suli
naammassinnginnerannut, suut peqqutaappat?**

Peqqinnissaqarfimmi sulisut akissarsiaat pillugit isumaqatiginninniarnit¹,
Peqqinnissaq Pillugu Kattuffiinit (PPK) isumaqatiginninniutigineqartartut
isumaqatigiissutigineqartut 4. august 2025 atsiornikkut inerineqarput². PPK-p 5.
september 2025-mi inerineq taasinnikkut akuerineqartoq ASA-mut
nalunaarutigaa. Tamatuma kingorna Naalakkersuisut inaarutaasumik inerineq
24. september 2025-mi akueraat. Isumaqatigiissutip inaarutaasumik
oqaaseqaatai taamaammat maannakkut inerniarneqalerput, soorlu aamma,
akissarsianut aaqqiissuussaq suliassaqarfimmi piareerpat, aaqqiissutit
qaammatit pingasut tullerni inerineqassasut.

Angusat isumaqatigiissutigineqartut 1. april 2024-mit siusinnerpaamik 1. oktober
2028-p tungaanut atuutissapput. Aningaasarsianut aaqqiissutit amerlanersaat
piffissap aallartinnerani kingumoorumut atuutsinneqassapput.

¹ PPK peqqinnissamut ikiortit, pillorissaasut, timimik sungiusaasartut, peqqissaasut,
napparsimasunut inuussutissalerisut, ernissisortut, aaviisartut nakorsaaterisullu
sinnerlugit isumaqatiginninniartarpoq. Peqqinnissamik suliallit allat soorlu nakorsat,
kigutilerisut, klinikassistentit nunaqarfinnilu peqqissaavinni sulisut PPK-imit
isumaginninniunneqarneq ajorput. ² Angusat pillugit atsiugassaq oqaasertamigut
naleqqussagaq 8. august 2025 atsiorneqarpoq.

² Angusat pillugit atsiugassaq oqaasertamigut naleqqussagaq 8. august 2025
atsiorneqarpoq.

Allakkat ullua: 26-09-2025
Suliap normua: 2025 - 16382
Allagaatip suussusaa:
25647115
P. O. Box 1037
3900 Nuuk
Tel. Oqarasuaat (+299) 34 50
00
Fax (+299) 34 63 50
E-mail: oed@nanoq.gl
www.naalakkersuisut.gl

Isumaqatiginninniartoqartillugu angusat isumaqatigiinniartunit illuatungeriinnit akuerineqarsinnaanissaat pingaaruteqarpoq. Isumaqatiginninniarnert suliassaqaarfinni ataasiakkaani siumut naatsorsuuteqalersitsillutillu toqqissimatitsinissaat tamatumani patsisaavoq. Tamanna atorfilimmut piginnaatitaaffimminnik ilisimaarinnilluartumut atuuppoq. Tamanna sulisitsisumut aamma atuuppoq, taassumunngami aningaasartuutit pingaarnersaat ilaannut, tassa sulisut akissarsiaannut tunngatillugu assigiinngisitsisarneq isumaqatigiissut aqutigalugu annikillisarneqartarmat.

Isumaqatiginninniartarnerit aqqissuuteqqinnissaasa pimoorullugit suliarineqarnissaat 2022-mili eqqartorneqalerpoq. Isumaqatigiissutit pillugit ataatsimiititaliap taamatut inassuteqarneratigut isumaqatigiissutit ataatsimoortillugit allanneqartalernissaat isumaqatigiissutillu akornanni assigiimmik ilusilersorneqarlutillu taaguutinik atuinissaq siunertaavoq. PPK-mut tunngatillugu peqqinnissamik suliaraqfiup iluani isumaqatigiissutit arfineq marluk maannamut isumaqatigiissutigineqarput. Isumaqatigiissutit naammassineqaqqammertut arfineq marluk Isumaqatigiissutit pillugit ataatsimiititaliap inassutai malillugit ataatsimut allanneqarput. Suliassaq piffissartornarlunilu pisariusorujussuuvoq, sulisunut sulisitsisulluunniit atugassarititat ajorseqqunagit nakkulluarlugu suliassaalluni. Tamatuma malitsigisaanik isumaqatiginninniarnert ataasiakkaat ingerlanerini sulisunik amerlanerusunik naatsorsuusiortartussanik, isumaqatigiinniarnerni ataatsimeeqataasartussanik, aalajangersakkanik oqaasertalersuisartussanik, misissueqqissaarnissanut il.il. suliartaqartussanik pisariaqartitsisoqarsimavoq.

PPK aamma ASA piffissami 9. marts 2024-mit 31. juli 2025-mut isumaqatigiinniarsimapput. Piffissap taasuma ingerlanerani ASG³, akademikerit (ilinniagartuut), palasit, Atorfillit Kattuffiat, tusagassiortut nakorsallu ASA-mit isumaqatiginninniarfigineqarsimapput. Siuliani inassutigineqartut naapertorlugit naammassillugit tamarmik isumaqatigiissuteqarfigineqarput. Sulisut killeqarmata kattuffiit/sulisartut kattuffii arlalinngorlugit ataatsikkut isumaqatiginniarfigineqarsinnaanngillat. Taamaattorli kattuffinnik assigiinngitsunik isumaqatiginninniutigineqartussat ataatsiikkaat ataatsikkut ingerlanneqarsinnaapput.

Isumaqatiginninniarneq illuatungeriit akornanni ingerlaavartumik aqqissorneqarpoq.

2. Ukununga isumaqatiginninniarnernut atatillugu Naalakkersuisut suut anguniagassatut siunniuppaat:

- a. Sulisussarsiorneq?**
- b. sulisut pigiinnarnissaanut?**
- c. Peqqinnissaqaarfimmi sulisunut sulinerimi atugassarititaasut aamma suliffimmi isumannaallisaanikkut pissutsit pitsanngorsaatisaat?**

³ Kalaallit Nunaanni Ilinniagartuut Kattuffiata pisortanut tuinngatiullugu isumaqatigiissutissat atorfilinnuullu ilinniagartuutut sulisut isumaqatiginninniuttarpai.

3. Naalakkersuisut oqaluuserisamut soqutiginaatilinnik allanik paasissutissiisinnaanertutik?

Peqqinnissaqarfitsinni atukkatigut ilungersunartut Naalakkersuisunit arajutsisimaneqanngillat. Susassaqarfinnut ataasiakkaanut isumaqatigiissutit sulisartup sulisitsisullu akornanni suleqatigiilluarnissat suliffimmilu toqqissilluni sulisinnaanissaat eqqarsaatigalugit pingaaruteqarput.

Inussiarnersumik inuulluaqqusillunga



Múte B. Egede